

真松閣詞

真松閣詞卷五

金匱 楊夔生 伯夔

滿江紅

追和陳迦陵悵悵詞

摘槩懷鉛經幾度填門風雪問何似羌村秉燭粗知
齊物修竹彈蕉賤古奏繁花待燕鑄瓊笈也亂拋金
粉瓦街西泥香驛秦女嫁甘泉玦魯酒醉華林蜨
只盃闌豪氣不因人熱少伯吹竽工曼睪左官罵鬼
嫌唐突縱長歌刻畫太行獍青霞客

三度長安問誰買相如辭賦只一片夜深沙月照人

疑霧心繫江湖瓜蔓水鼻餐今古輪蹄士歎歸來老
屋枕槐根風如虎花髓滑蝸涎古琴柱促鶉聲苦
奈傷梅嫁杏不禁酸楚處士病奇炊兔藥庸奴夢好
騎麟股看淚花彈紫號山霞楓千樹

劍珮衝星拂衣謝故山猿鶴更何戀橘香南社梅繁
東閣夜擊銅墻偷鬼炊朝遊桂海屠龍肉聽鑿鑿百
面響都曇賓雲曲風裂碎橋頭筑浪打破蘆中屋
儘鼠文似豹鳳聲疑鵬立願不生三尺喙倚天自長
千尋鏑笑木瓜鼻歎腦人香何爲俗

讀史來耶正簾外霜華吹滿問誰更據梧流沫平津

閣畔苜蓿租輸蕃馬健焉支火偏銅駝汗歎偏師一
夕漏多魚成皐戰 緡千束空堆案琴八尺思填爨
說年來莊舄南冠纓短越水方生君可去楚弓未得
吾何憾著東皇幾帙買愁書烟花券

枯樹婆娑看春色番番歸矣算儘可料量蝦菜五湖
烟水星緯銷沈關路黑騷魂暮去湘潭紫戀十行珠
袂女陽亭帆偏駛 屠門雪梅繁麗酒罍月松陰翳
縱顛狂作達也無奇氣謝子何如陽翟賈羊公那及
銅臺伎占十年射雉錦媒場容卿耳

醉落魄

憶憶憶憶慢橋水翦湘波色東風蕩入垂楊陌
疎陰日炙柳花熱 盧家白玉堂前客雲漿未解相
如渴香桃瘦盡珊瑚骨恨被鶯瞞愁聽子規說

陌上花

書曹鳧谷

三選

丈吹雲閣詞後

青年花草吳宮幾度歌呼買醉月白裁詩人上盟鷗
亭子餘香淒戀羅襟角記否清眸如水奈征衣換了
雁魂又共菰煙飄起 滿天涯是草春風屐齒踏遍
青青千里古瑟絃冰相見竹房深翠擘牋別譜翻香
曲懸燭錦官城裏說倦遊心事拋他紅豆巴娘能記

宴清都

鳧谷丈招遊城南少陵草堂

萬里橋西宅秋陰底四簑三笠閒語墻頭買菜水湄
挑草曉村兒女輕盈碧色新裾來自杉鷄啼處儘看
我蟲野橫簫雁天聞角行去絲絲颺鬢茶烟隨風
過竹涼滿庭宇花卿劒匣文君琴薦歲華如許淒然
幾度殘照不共此堂今古笑依舊青蓋童童倚江柳
樹

浣溪沙

蜀妓紈紈年十七八風姿姣好能詩本吳產

也。以扇乞予作爲書二解以贈之。

萼綠華身翠水裙。一聲嬌嚏夢回初。蘭心原不薄相如。石葉香焦熏畫蠹。銀鈎帖好補琴書。枇杷花下閉門居。

評泊春風入小詩。水芝香澹鬢垂絲。簫吹巫峽夜雲悲。蛺蝶定知卿夢處。蟾蜍應見爾愁時。黃金鑄淚十年思。

摸魚子

鳬谷丈辱題與鷗爲客圖賦此答謝

邇長流。非苕非霅。輕帆又落江甸。夢牽吳蕩。烟絲脆

妒煞雲中鷄犬汀樹暗儘嘗懂蓬壺我共閒鷗占此
情誰見只白石僊翁拍歌銅斗墨瀋一襟泣蒼茫
感入洛遊梁已倦何時喚艇同泛微風若解秋江意
莫照鬢絲零亂攜畫扇要映著芙蓉波似松陵軟蕭
然贈遠奈飛盡蘆花老魚深夜吹浪出荒蘆

附
水龍吟

曹三選

十年一夢江湖遠解道青山如舊舊盟好在烟寒
水闊幾回招手我亦閒鷗飄零人海忘機已久任
滿身涼影一襟幽思都畫出愁時候難得與君
邂逅且銷磨客中盃酒白沙翠竹秋光淡處水哉

吾友萬里誰馴安知燕雀復何鷄狗看芙蓉開遍
空江肯爲杜鵑低首

鷓鴣天

野逖歸來坐故廬玉川詩老祭乾魚試香簾戶風都
雅有意吹馨拂古書雲黯澹水縈紆江南時節薄
寒初秋聲半在鄰家屋多少蛩分破壁居

千秋歲

夜坐有感

目窮寥廓此子宜邱壑自憐賦胡爲作膽瓶蕉影裏
涼透秋衫薄雲掩冉吟魂夜繞蘋風閣死是蒙莊

鑰情乃靈均橐乍遠寺琅然鐸空山誰物色偃蹇搏
霄鶴君不見飛鳴青桂枝頭雀

天僊子

寄嚴麗生

學滄

豆蔻試拈殘黛盞燕婢巧偷鸚鵡粟北扉鬼捉錦菜
莢天海關丸雙逐冷見石鱗雲兩角秀脰小腰金
粉腹桃葉香笳吹古曲謝公人物近中年哀也獨樂
也獨夢隔藤蘿分慘綠

憶秦娥

無朝昏潯溪瀾浪銷征魂銷征魂一聲囉噴尺八車

茵杏花片片隨雕輪廢橋楊柳悲青春悲青春驚
笳屯月艷瑟拋塵

玉樓春

歲歲春來愁作伴小閣藏愁愁已滿儂心何苦盼春
來梅又褪花風帶軟銀箏蘭葉凝酥腕曾記柑筵
調綠殢驀然催上卓金輪城樹初昏聞搗練

浣溪沙

校譜翻香記淚痕玉篴篴古雁絃新清明節近正懷
人采綠江空生遠恨吹桃風細落輕塵嬌鴉庭院
又黃昏

聲聲慢

題姜小泉聽秋圖

碧苔任掃蒼雪初飛涼飈蚤度林柯枝北枝南聽來
那處秋多盈盈蕊珠僊侶有幽情應托微波添瀟爽
正瓏璚踈髻天籟吹過不是人間凡響問冰絃繫
未音歛須和古意高閒還宜靜裏叅他蕩聞半霄鸞
鶴却松濤細被雲摩輕陰底趁翠綃葱蒨踏莎

效顰十解

昔弁陽歎翁擬花間草堂各家小令爲效顰十解
墨花紛吐各極其妙丙子春仲予索居湖山望遠

懷人寄情聲律偶檢篋中友人詞冊亦仿弁陽之
例各擬一詞且適如其數而獨拈長調并就各家
體製以擇題庶幾不爲弁陽所窘云

燭影搖紅

彭甘亭

兆蓀

小謨觴館詞詠筭

怯指琤琤幾驚鯨觸巴陵纜神娥綽態泣新妝微步
芙蓉阪獨速短簫舞晚似歌罷水邨漁飯此時情悅
月窟暮閒浪頭鷗澹快翦并刀哀家牆側梨如膽
翠裂競野錦湔塵壁絮雲堪擲跋馬秦溝漢塹又何
處偏師敢犯一行軍吹畫鼓宵沈春旗齊趨

綺羅香

陶鳬香先生紅豆樹館詞試茶

鼎薄蠅鳴珠跳蟹熟長夜風泉生戶蘋石尋來采掇
不盈芴塢分秀籠青藹翻衣焙香氣綠廳宜雨曉開
簾一片嬌陽烟巒借色碧如許南田買添茗地試
向醺釀東館啜殘涼露商畧閒情留取炙餘花脯記
昨夜小醉兜娘吹蘭韻勝傳眉語最堪念禪榻春寒
鬢絲千百縷

風流子

倪米樓翦雲樓詞送春

李娘剛十八，鞦尖小。一蹴下春機，看風掃杏隄。馬銜
珊勒，天圍柳墅。客試綃衣，韶華驟驚嬌歸。吒利鵲倏
墮泥犁，渺渺荒波。琴初罷，鼓家家，踈翠竹，漸堪題。
贈歡雙跳脫，銅鋪掩，踏月休借銀梯。怕見臺城烟草
遠，碧低迷。歎樓送杜郎，慣藏春恨，香分荀令，不療朝
饑。多少歡筵，紅淚并作宵啼。

臺城路

郭頻伽浮眉樓詞夜半聞鐘聲

趾離呼徧難成寐，長宵壓檐霜重。幾杵蒲牢，三更嘹
亮，打破臞僊清夢。大雲留縫，讓嵩角風來，海西潮動。

鐵澀銅腥也登忉利踰高棟 修羅文戟化未怕諸
天戰鬪鳥魚飛蹤響徹潭邊敲殘飯後不信聞根髓
懂無生怖恐任太白雷聲黝然出洞帖帖鳶飛天低
城似甕

壺中天

趙艮甫太初廬詞遊僊

桃開桃落笑依然涓子御風飄泊爲道迎神辭不古
自弄汾祠絃索郭密香歌長桑公哭憐我踈狂錯海
天忽覩浪花堆裏樓閣 悔牋八素元經更無人讀
挂向蒼龍角茶姥烹茶曾教汝第一杯頭僊著石且

療饑錢能度厄終勝乘槎樂采藥人說居巢白鳳朱
噉

玉蝴蝶

曹鳧谷丈吹雪閣詞無題

憶否妙奴情事沉沉怕語窄窄靈犀忍笑嫣然纖手
記得曾攜破香橙溫存晉夢猜錦瑟懽懽唐詩落花
時牖前慵繡茶後敲碁還疑竹陂鰈子昏黃回泊
隱約漁磯不怨凋紅九華環珮憺忘歸訴梧桐文機
促纖挽楊柳翠驛斑驪最依依一鉤月小三點參低
玉漏遲

袁蘭村秋夢樓詞詠雪

記飛花撲帽亂鴉古木淮陰廟淡合銀尖正是晴時
雙嶠一片茫茫混混訝真箇地天通了人跡杳籬編
細荻欹頭村小昔曾飄到孤山說也見林逋老鶴
口添孫要與梅花增竈空外玉龍吹折把牆內竹枝
愁倒休便掃且洗世間熱惱

木蘭花慢

嚴修能柯家山館詞贈隱者

三間茅屋閉清不許俗人知只斲藥鉏香黏苔屐滑
前夜歸遲莫燒地爐黃葉怕焚詩又動白猿疑水活

一雙雲碓春搏兩箇松餐 尋思未是閒時把長笛
向風吹問小蹇輕乘古巾幘岸此去何之應看刺天
鵬鶚悔行藏重叩塔中師依舊閒牕客散開枰自補
殘碁

水龍吟

顧菴塘拜石山房詞題竹畦翁所畫秋水歸
帆圖

虎頭癡絕翩翩紆青縹白何閒潔看他雙鷺在蘆花
裏澹於歸客道似長淮又非清潁此江全碧儘煙篷
一殼蒲帆一扇移過了楓邊驛不爲載書歸洛爲

秋風鱸鄉堪憶微吟淺醉伯歌季舞古歡當惜草草
田園牀牀桐雨屋茅新溼待明朝斗酒斲肩吾亦鼓
山陰楫

應天長

劉芙初

嗣緒

箏絃詞讀周筇雲靈鬼聯句詩

卽哭筇雲

翦芟墻蔓拂拭硯霜數行溼墨酸讀悶掩病龜吟徧

飛流澹晴淥

葉子奇草木子鬼作晚翠亭詩一徑入青松飛流澹晴淥

黎邱志且

莫續擊缶長歌當哭西郊外未到黃昏又嘯孤鵬
憶昔客春明短札遺詩塵霾半空麓今道橋公墓

畔有蘭有桐竹

時鑑湖以釣雲詩集墓銘見寄

星三點月一曲應勝

我瓦燈如粟寒帷處破暝嚇人是箇蝙蝠

附錄靈鬼聯句詩

冬夜聯句

前山有積雪峯巒閃銀尖青松如卧虎野鶴居其巔
綠火何皎皎紅霞亦翻翻小霞陰雲散灰燧暝雲
歟狐猿釣雲荒陸少人行舉目更無親卽此神靈
地願與君爲鄰小霞

鐵笛聯句

北山有虎南海有龍其鳴驚人風動雷通小霞峯
巒呌獻水石喧春到雲流雲有聲小月如弓薄紅
生烟淡綠起空小霞涼花片片修竹濛濛雲松
陰雙鶴水清僊童白露雜秋黃菊迎冬小霞葉疎
露屋蘆深掩篷釣雲落紅送影炙茗催童萬物與
量又聚春穠笛音飄揚性在詩籠燈青疑螢夜靜
有神門前地黑茅屋溪雲濃雪漫漫苦霧紛紛
青孤獻山深虎嘯遠峯藏碧秋葉飛勤連天衰草
豈獨荆榛滿地悲聲無非鴻喧桐階月暗玉砌花

清誰品韶華西鄰之賓大聲如狂竦竦木振小聲
欲絕切切鬼懂悠揚六引纏絲九旻氣出精烈延
露巴人小霞高傳蟾魄幽泣蛟魂到雲坐客聞此
形影苦辛行客聆斯足不能伸哀哀霜筠流傳失
真小霞

夜集聯句

月色冷如水小霞深宵悄無聲花姑銀荷吐金粟
小霞閃閃照愁燈花姑星昏孤拜月雲黑龍弄晴
幽幽羣靈息穆穆道心生疎鐘散翠微小霞寒磬
來空城花姑孤客苦天黑哀猿繞砌鳴小霞暗紅
閃蝸蝸幽綠號狸鼯渴霧學水流怪雲如山傾苔
痕少履跡草色濛濛青花姑荒臺搖暝烟珠簾迎
小星小霞敗垣類荒塚深巖如古廳筠霞一徑行
更息花姑霧露吹神鈴小霞

臺城路

重過草堂

鹿頭晴放蒼涼日苔生井春溪曰城闕攜筇江郊借

馬路熟橙林前後長歌擊缶只薄奠詩魂浣花村酒

同證香龕一尊載拜劒南叟

旁祀渭南伯
陸放翁先生

天涯幾

度怨別只茶人滋味容易成負杜宇不歸秋鶯無語
堂背錦官高柳羣青厠隔少西瀼東屯竹田三畝歸
騎匆匆清歡今日偶

鵲踏枝

落梅

清洛飛英天闊暝畫簾塵踈總被蜂嚙粉影戀綃襟
香戀鬢舊曾夢薦東皇枕春掃碧苔填苑井十斛
量珠記却磬頭聘古佛無言知有恨霜前曉寺聞寒

磬

百字令

予與姚春木

椿

別十年矣丁丑二月買舟訪

君雲間言笑旣浹愴然感舊各有結轡不自

得者席間因成是詞

風懷酒膽歎十年世事幾多參錯擊木田間誰氏子
依舊嬾殘腰腳鶴飲池中蘭圍宅畔把卷春蟬落剡
溪船到鷗邊已借烟宿一任北墅棋輸東山樵出
老雪屯門虐颯颯涼風吹我手甘棄傭書蟲橐骨瘦
衫長屐高身賤曇也忘哀樂虛名似此與君且共觴

酌

百字令

席間春木出示尊甫一如年丈秋山賭墅圖
敬題一解

寄嶽譚笑算通懷七畧出公腕底百戰山容雙屐外
那及清時嵐翠入局饒歌昇平絲竹同是英雄意西
州慟哭夕陽還照東墅憶昔笳警淮淝何來野鶴
鎮喚清風起新竹千竿蘭百畝換去十年蒼壘谷響
秋堅濤生松老早報圍空矣推枰斂手眼前落落餘
子

醉花間

難相見思相見相見情何限銀漢隔紅牆鎮是長相
念花下第三門來去憑鶯燕遠道本無書空負榆
關雁

蜨戀花

村近野塘橋數折斜日溫溫燕立茅堂脊誰道東風
無氣力鄰牆飛過棠梨葉遠聽鷄聲來廢驛回首
江鄉腸斷陽關客高柳半天烟一抹人家昨夜逢寒
食

河傳

朝暮行路數垂楊上郡秋深葉黃長陵健兒荷兩狼
飛揚旌旗圖驛墻漢使不歸光祿塞穹廬下頭白
彎弧者草萋萋東復西酸嘶一羣蕃馬歸

木蘭花慢

庚辰元旦憑几述夢

舊香燃艾納新奇夢瞥然生誦九辯滔滔楚郎爲憂
徑丈哀箏聲聞幾重樓閣又颺回聞聞隔松鈴上下
能知千古風神散朗惟卿叮嚀莫誤虛名猶勸我
服黃精把玉筍山中瘦藤持贈共叩巖扃登臺袖遮
微日看蒸嵐雲暝鶴梳翎是境非常遐忽欲眠蠶枕

重尋

月下笛

偕良甫蘭塘繇雲林寺迤西入散光徑竹色
如海不風自漪瀑雪歎湧蕭蕭相應翠磴百
折人影亂雲炎曦遠匿登陟忘倦偶一凝佇
蒼粉墮衣旣就僧閣小憇成五古一章歸鳥
催暝疎烟沒屐徘徊竹間復得此解

萬竹空山背湖行去數重寒石四圍深碧窈窕流雲
抱泉活頻年閒夢瀟湘路更那似鷓鴣情踈逸看曉餐
蒼粉巖香天半佛猿尋葉落色隨吟屐約舊侶探

幽古懷清絕青浮圓笠濛濛烟底歆側重來只恐新
瘦老好折贈西陵長笛漸高處散涼陰賸一片晴雲
滄白

歸國謠

渡江之邗上

帆影疾一塔船頭看漸白江邊人語知烟驛 篷牖
面而春山碧傷心色今朝身是淮陰客

江城子

春陰

韶光暗老不關心到如今怨春行寒食人家天欠柳

花晴早說鶯無鳩樣大啼不破一江陰
窠尊白酌
自微吟待知音少張琴竹展尋詩扶滑到沙潯斜日
爭明雲鬪暝輸數點淡黃金

浣溪沙

新樂道中

何日山租爲買峯黃金臺畔客奇窮安心宦拙讓詩
工
白項老烏新柳上紅墻小廟古杉中野塵迷路
比烟濃

思佳客

寂不聞喧理鬢絲今朝人早曙鴉遲阿儂漸解孤眠

味選夢難於選好詩 看日影下采恩海棠收露曬
燕支如何浩蕩春風底猶寫流紈舊怨詞

臺城路

庚辰夏日寓張園之硯北草堂積雨初霽新
涼侵肌夜起乘月觀荷愴然賦此借秦二仲

文藻作

新涼喚我眠還醒茶邊水經重理獨自開門悄然河
漢畧有微綃雲起惱懷鄉思憶竹篠東頭清輝添幾
問夜如何沉沉松影鶴都睡 嬌荷向人欲語訴西
風漸到愁不能寐湔老吳綾拋鬆湘翦千點露光圓

淚淒涼若此久厭見花間開紅艇子潦倒風標鷺鷥
偏似爾

閒中好

平仄二體

閒中好思故園也楊子潦倒半生落落寡合
今復子然遠宦僦居張園深窈空涼塊焉獨
處閒則閒矣試問所好者在何因憶侍親山
中雖尋常閒中况味隨意拈來輒成佳語三
復是詞不知西風吹墜白日

閒中好人靜覺秋來爲洗心源濁清泉酌竹林
閒中好恰對松間岫人語松下來疎烟滿僧袖

閒中好聽籟集虛檐金氣秋來肅裁雲月似鏤
閒中好遇叟理歸網此故人不知魚潛稚蘆長
閒中好何事卜親娛顛倒談仙鬼模糊憶古書
閒中好夢好醒猶樂迎面風薄吹山藤病花落
閒中好詩向竹間尋不避螻蛄怨還憑蟋蟀吟
閒中好記聽聯牀雨阿兄詩不佳時偷惠連語
閒中好愛寫木蘭詞燈下傳嬌女阿爺無大兒
閒中好琴弗徽金玉此曲君不聞和平音在木
淺波曲

七夕詞

牆頭女蘿階前綠
莎商量且翦桐柯看
雙星兩挪
金風未和羅紉奈
何新蟾移近明河
似槎飄一梭

浣溪沙

沙柳亭空記送春
碧桃寒食鈿車新
風情元九恨難真
半掬蘭泥尋蟻路
一枝竹葉掃鶻墳
暮寒樓閣有微雲

鷓鴣天

檀板歌闌客愴然
風情漸減過丁年
未刪詩似碁留劫
晚嫁人如月下絃
追往事古城邊
嗚嗚斷角破霜天
矮闌疎闊梅花瘦
著箇孤山放鶴仙

惜分飛

幾日黃鸝愁不語人對一庭疎雨門外春無主載花
艇子桐橋去鳳舘籠紗烟碧聚釵燕黛蛾休妒香
徑深深處榆錢吹滿真娘墓

鵲橋偈

題蔣伯生

四培

香嬰室圖

三生慧業一生愁緒清露自研花下校殘十萬玉簪
書便好倩山玄卿寫銀河絡角蘭芬宛轉盼斷碧
榆星罽蕊珠伴侶說相思算只有寒簪髻婢

蝶戀花

偶于殘帙中檢得小碧牋書斷句一首云幽
香息息出詩瓢雪喚鉤簾鶴過橋但到黃昏
憶吳下綠心梅底小紅簫不知何人所撰極
幽艷近詞爲隲括其意以成是調

千里碧雲含暮意冷雪杈枒老樹樓檐底纔說鉤簾
風又起過橋鶴去聽松吹回首吳中風景異詩寫
唐瓢細咽幽香味淒入綠心梅澣淚小紅一曲簫聲
脆

臨江僊

聞城南角聲

城郭披斜雲草莽鳴鳴畫角聲酸征夫白髮歎凋殘
沙黃鴈睨日塞黑馬臨關未必桓伊三弄笛教人
清淚難乾故鄉昨夜夢中還水流橋斷處霜白落梅
寒

浣溪沙

水盼蘭情小夢過嬾拈香粒教鸚鵡三分愁有兩眉
拖怕聽鶯啼鄰苑柳春聲畢竟別家多留春無計
怨春麼

踏莎行

記恨書眎小檣

昨日斜陽今朝微雨分明有箇愁隨汝三三五五數
梅花尋愁不見愁應去小楊知卜姑請卜之李賀眉頭孟郊
肺腑從來慣是愁藏處循牆遶院立蒼苔自吟自淚
愁知否

百字令

爲蕊困伯姊題所藏葉小鸞眉子硯銘拓本
蘭牕寫韻認玲瓏銀字漫吟新句玉雁風低秋海遠
乞向綃衣龍女鏡樹星飛羅屏煙暝幾點櫻桃雨春
陰吹墨眉痕淡是愁處那便翠匣輕拋返生香斷
杳杳凌波去天上玉樓重作記應贈蕊珠僊侶後夜

題琴早霜書葉腸斷吳江樹夢遙碧落三山舊恨難
訴

滇南楊文斌稚虹
山陰胡廷榮伯華
較訂

真松閣詞卷五終

真松閣詞卷六

金匱 楊夔生 伯夔

渡江雲

桑乾春漲

地寬難問渡只憑浪去舊日是桑麻天西黃色起過
一番風吹活土橋沙看栽酸棗說村人摘葉烹茶歸
未得江鄉烟景今又讓誰誇 堪嗟十年前事幾箇
吟朋傍西湖柳下還記否一篙碎月細撥蘆花數枝
殘雪休輕折膽三分秋在漁家驚飛起不知鷺也鷗
耶

瑤臺聚八僊

贈祁陽山人吾吾子

自有精神含太古清氣逸逸飄襟祁陽何處悠然霞
竊雲深幾粒元丹封蘚石一囊紅果挂天藤踏輕陰
偶來荒穢彈劍悲吟門前濤聲昏黑笑尙疑漁火
不是村燈目斷南鴻無端淩入仙心杖藜獨來獨往
也袖手愁無術點金塵緣盡說他年授我龍虎升騰

附贈別詩

筆墨相於久渾忘夜氣寒刻詩銷翠燭念子在塵
寰短劍孤虹白輕囊小果丹野情原不定歸隱入
烟樹

附詞

浣溪沙

御氣排風日往還一雙芒屨幾曾閒今年三度出
元關紅葉初深桐柏觀綠梅先放石帆山勝遊
原只許人間
竹北松南一玉壺眼前秋色絕蕭疎寒泉如鏡月
如梳星閃白光明復暗陰厓知有弄丹狐喃喃
敏石誦靈符
朝共蒼梧帝子遊沙棠作楫木蘭舟風風雨雨石
人愁瘦盡芙蓉飛盡鴈依然寂寞酒家樓節交
重九是深秋
紫帽峯圍山復山萬山松影逼人寒山中新築上
昇壇苦鍊谷神因鑄魄千年一服大還丹氣如
炊黍出泥丸
木葉落兮湘水波待他纖月過銀河又將鼓枻唱
漁歌挽尺鮮藤編小笠剪叢香草結新簑未披
先付小龍馱
隔斷蒼松是白霓杖頭衡嶽數峯低故人船未泊
浯溪一朵青蓮忽搖動水僊騎鷺出波飛依稀
月底認紅衣

臺城路

題晁鄉先生藤陰唱和圖

垂垂暖靄藤陰歛韶光壓檐幽蔭燕睇征衫蜨同詩
鬢眼底關河新感天涯吟伴正牋擘篝烟古廳塵黯
漸聽鐘催酒人蹤跡在梁苑尊前記拈好句付羅
裊鴈柱無限淒惋最小窺人是初解詠只隔飛縣庭
院匆匆夢斷又何處春遊洛車團扇憶否珍釵書成
愁未展

松肪樂浪頻追憶城頭數聲清角問訊崧陽春陰上

已又誤幾番花落廿年前約歎出塞裘凋

蔣伯生

埋憂

苔薄

張子白

鏤檻東偏舊時紅淚滿修竹

竭來月臨

鐫戟儘題襟過酒誰更偷覺說硯雲寒試香風潤替
唳三霄鈴索生綃尺幅有無限憐才心情難託怨曲
纔終明釭開小萼

附藤陰唱和圖自記

嘉慶戊午余歸自京師薄遊大梁館於商虞通守
沈君映庭官舍之西軒適張子白若采蔣伯生因
培自山左來會極賓明觴詠之樂院中古藤數本
濃陰覆屋清風自生相與吟嘯其中下沈君有
婢名窺秋者年十七解詞翰主人以其小詩數首
誇示於客子白卽席贈以長句伯生暨余亦繼聲
焉明日三詩皆有和作字畫秀媚辭旨惻惻動人
客將爲紫雲之請則己許嫁所養爲悞惱者久之
是年冬予歸吳門囑陸生鐵簫寫此圖藏之將俟
張蔣二君合并補錄唱和之作以志斯遇而自是
遊宦異轍忽忽二十餘年子白遠宦遑中久已物
故伯生又里吏議戍邊畫中人更不知流落何處
而余亦垂垂將老無復當時狂態矣偶檢此卷爲

書數語并錄舊作於後以志歲月推遷友朋之聚散而并借此女之有才而不遇也夫有才而不遇獨此女

子乎哉

銷牖寒

破牖風雨

背竹堂虛墜檐藤暗檠挑孤鳳客魂吹碎悶對縱橫
方空似人眠瀟湘夜船風濤勢欲連雲夢杳不聞街
析深寒古郡天低雲重 閒弄琴音凍伴小瓶楚菊
且傾觴嚶蕭齋門掩隱趣只堪君共是耶非聲來樹
間白楊笑誰先我種盼新晴紙閣香清一星窺寸縫

徵招

小猿叫驛

行行莫唱旗亭曲垂鞭又停孤騎柳影驛樓疎聽小
猿啼起山中臣有母只呼子聲猶在耳松老風烟藤
纏苔石歲華如此那及洛川鴻飛鳴去同宿荻花
叢裏古道出蕭關咽悲風千里一羣蕃馬過問持節
子卿歸未看平沙落日初黃便寂然門閉

一萼紅

津門晤沈遠亭

蓮生

明府出示所著香草溪

樂府格調諧婉琢語峭艷吟誦竟夜爲之心
折時予奉檄將赴海上卽席拈是解留別離

思閒愁黯然何限

翦蘭燈借一編評泊何處最關情錦石潭邊白鷗江
畔僂雲飛過無痕任題徧吳楓好句送霜紅數片入
江深又早尊前那時銷黯已滿離心此去橫琴海
上怕成連難遇頓隔知音獨自登槎幾同展眺歸來
簑老藤輕把悄悄新愁喚起付津橋燈火踏歌聲誰
在桃花簾幕相對調笙

爲遠亭題瀛海紀游冊子

阮郎歸

海門寒泛

盟鷗海上記當年舟移落木邊自收返照擘吟牋
鴈聲驚鴈眠橫短笛扣危舷長歌浮暝天微茫蜃氣
雜村烟潮平沙岸田

生查子

疊道曉行

塘中九節蒲隄上三眠柳行行念使君明星當馬首
隔水滑無聲隔沙不盈斗東望思悠然渟渚析津

口

憶王孫

官廨圍爐

詩壇直欲張吾軍
良夜同心語最真
我憶清狂四隱
君岸鳥巾疏牖
霜風竹葉樽

踏莎行

僧寮讀畫

幽景耽尋天機冥
玩素蕤點筆輪
君擅瓦鑪柏子細
烟殘石壇竹護
僧關暗
蕢懂雲山高寒
塢院嵩邱
逆興翛然遠識
君心畫與心聲
從教我乞東陽
絹

浣溪沙

新城早春

觸撥離愁感歲華
村南村北路斜斜
展風誰曳晉溪

霞
去日柳蛾翻扇錦舊時飛燕識香車夢塵空徙
醉陶家

清平樂

瀛海朝曦

瀾迴天鬪虹影微微透倚劒長歌一盃酒笑兀雙臺
如鷺
崩騰龍角風湍瞥然鱸背珠圓欲識太初闔
闔眼前萬景相涵

清波引

海濱民居寥落歌此誌慨

腥濤吹苦更沙上潮來潮去數家笑語老屋十年住

也算繁烟戶門外曉橋昏雨草灘圓蛤離離看日暮
市船聚 去天尺五風袂冷然欲舉混茫蒼古水自
北條注村夢初同處海鶴碧空飛度寄書難覓龍堂
待煩僊羽

風入松

謁海神祠

玲瓏紺宇上晨曦深殿闕幽薰曉風自掃青瑤甃踏
蛟蚪刻畫波痕尖喙饑禽如鶴啄枝細柏含春尾
閭真解泄滄溟柱杖卽蓬瀛滔滔此水東流盡化乾
坤清氣無垠一角海門孤鎮數聲笳鼓穿雲

酌江月

轉漕海上述事

海平如席看長檣大舶飄來雲澤

東坡詩云吾國舊供雲澤米公自註

定武齋酒用蘇州米時惟江蘇籌辦海運故云

老鴈慣聽淮右角曾報郵籤

程急側手黃流及時清駛梭擲鱗堂脊拏焚沈玉炊
飛鼓浪蛟國夜闌箕斗橫空漁兒漁女清憂龍祠
瑟我酌酒船三百斛一曲神弦哀徹鼉泣寒聲魚吹
古沫帆轉憑風力茫茫觀此波濤痕滿沙磧

水龍吟

贈水師李笠侯參戎

用韜

元龍氣壓鱷鯢楚纓吳甲真飛將一丸劍餌十年海
嶽蓬壺無恙橫槊歌詩燃犀照席狎濤天上聽黃頭
部曲刺船東去輸水調玲瓏唱我自羨君雅量謾
銜盃幅巾斜颺樓船歎倚雲顏忽立暮潮初長鏤網
舉圍翠旂在握屹然相向更憑高目極塵清遼海捲
西風浪

解連環

海燕用玉田孤鴈詞韻

滄洲風晚怕將雛羽弱驀然吹散漸倦飛欲傍蜃樓
悵虹曲成闌孤憑人遠無分衝香只蘸得浪花幾點

趺斜陽歸去故宮何處波光滿眼 年華海濱荏苒
聽呢喃似訴飄蓬新怨到銀灣莫誤啣牋記掠過前
番靈槎數轉闌苑池臺有多少娉婷應見謾商量軟
踏輕鉤蝦鬚未捲

長亭怨

海鷗用玉田馴鷺詞韻

看萬里滄溟蕩冷浮近明蟾不辨何影我似天隨惟
卿可狎就卿飲老漁知否恰一點雲移笠頂待放羣
鵝折蘆葉同盟空徑 溪靜笑飛來屬玉攥把小魚
嚼盡笙歌隱隱又何處仙舟泛眼正乾坤南北都迷

身世夢遽然驚醒美太液波寬開遍藕花千頃

綺羅香

郊圃土墻半圯倚紅杏一株孤艷支離春盡
如舊予往來延賞似慰旅人欣欲解語贈之
以詞

雨暖蝸生泥香燕斷幾箇細蜂零落紅澀輕苞終是
開期難約笑田父簞笠強簪比村女顰脂微薄待蟾
圓吹笛重來滿身疎影坐茅閣佳人自憐寂寞誰
會藕絲盤髻寄釵攢萼謾倚新妝禁得露慙風惡苦
尋春塵沁詩脾記媚雪梅飄畫角最堪憶艷景三分

馬塍烟漠漠

臺城路

李子文

雲章

孝廉主講恒山新納姬人字之

曰琴斂繪眠琴綠陰圖徵同人題詠臯薌夫子詞先成次韻書此

烟鴻曉渡滹沱去天涯有人懷李講舍清狂書牀歎
詠落落嶺雲堪寄琴絲慵理說燕玉能溫夢痕旖旎
屏展恒山山聯眉暈更晴翠廊陰遮却多少只高
梧深竹一碧無地雙曉聰明寸心癡小百首迴文強
記斂梁綴綺又背立盈盈曲闌閒倚寫韻窗開半彎

新月起

河傳

孤榜雙槳去迢迢
楓落吳江暮
潮烟鬟霧髻誰更招
魂銷笛聲長板橋
最是送人腸
欲絕秋蕭瑟只道
梧桐葉寫幽風墨
未濃聞蛩草根趁日紅

滿宮花

日陰陰雲陣陣
過午嫩晴方定
東風和極近清明
開了一簾紅杏
香篆支頤看又燼
無計破除孤悶細
將往事再思量
只是奈和人性

四字令

爲姚秋盦題南樓待月圖

簾高慢垂牖疏最宜敲碁坐過眠時比前宵到遲
秋痕在眉秋聲在詩一庭瘦影參差是桐枝竹枝

瑣牖寒

風門

觀榭迎冬連牖掩夢早霜時節朝寒護處最好乍開
還闔看玲瓏小屋深明幾分紅旭初平格更楞嚴讀
罷參寥來訪一龕香潔 淒絕流光瞥遡排闥當風
已成今昔閉關索句忘了梅花消息待明年雙燕歸
來筠簾一桁先換得儘而今閒閒昏鴉暝與檐牙合

探春

煖炕

翠幕遮邊錦踰貼面轉盼恰平文砌素壁穿雲丹砂
鑿井夢帶烟霞滋味重把筠枝掃較燕壘香泥塗細
賺他畫句鑷閒莫爲銷寒作計臘尾風威正厲笑
罷蹴湯婆添須竈婢潤逼唐花香醺吳簪消受清溫
牕几吹微霜天角把一枕營騰驚起試問征人鐵衾
偎暖猶未

綺羅香

貂裕

扶暖攏鬟沾香融額抹過蛾峯兩點襟帶分裁儘費
小蠻鍼線傍燈畔伏兔迷離壓鬢底輕蟬蔥蒨配個
人秀暈分明同眸總不獵凡艷塗粧未嫌閒掃襯
處縑紋微縐芳溫成片撼起朦朧還把玉纖低按數
參軍新婦無雙却輸汝盛容豐髻看蒙茸圍緊螺尖
曉來寒更醞

天香

手鑪

火齊潛芒銅胎孕熱是何秘冶難仿掩蓋摩挲撥灰
點澹透面攢花如網折梅香凝愛帶暖微搓瓊掌伴

我清寒孤坐霜蟾一丸飛上誰在雲牖霧幌抱詩
魂冬缸移傍破睡濃書拂指硯香初漾待下濛濛晉
雪好袖向剡中艤烏榜且炷餘熏閒情耐想

買陂塘

餞燕

敞簾櫳遽成離讌新愁飛上樽俎松陵舊社都寥落
幾箇酒人先去檐外樹賸黃葉西風未必君還住茫
茫歸路待試叩春前柳遮花隱來處又何處傾盃
酌起讀江淹詞賦惹人添倍酸楚吹過廿四番風信
看盡落紅無數休再誤到芹渚泥乾更自傷遲暮低

同絮語聽一樣呢喃在斜陽裏如泣復如訴

高陽臺

憶鸞

一角層樓幾重深院淒涼曉色
綉紗前度歌筵記曾
拍斷紅牙匆匆送得春歸了
賸滿園無主桃花莫輕
猜九藥拋梭別向誰家
今番穩作遼西夢怕夢魂
尋錯萬里龍沙醒枕悠悠無聊日
又西斜離愁只在
濃陰裏倚迴闌悶數昏鴉最堪憐
攜酒人來空賦年
華

轉應曲

偕潘雲留刺史遊盤山口號

幽獨幽獨我抱山中黃犢千巖萬壑長松雲漏斜陽
半峯峯半峯半笠頂翠微凌亂

呼侶呼侶昨夜滿山疏雨人從第幾盤行我有扶烟
策輕輕策輕輕策隔礧翠深路絕

金縷曲

題子文潭園瘞玉圖

落照潭園柳頓添來幾多淒黯鼓蘆荒阜誰識鬢絲
禪榻畔只有茶烟如舊更惆悵重三下九琴絕么絃
釵折股記一時戡字魂傷否清淚滴碧衫透 簾疏

榭淺苔痕厚只奈他半屏涼影數聲清漏不見燈邊
詩弟子此景還疑眠後待重倩吾家龍友謂家一事
堪悲君認取畫童烏小塚纔如豆姬一子更空館晚
寒驟先殤

補題鳧蓀夫子紀

恩述事畫冊八首

酷相思

白門柳色

嫩寒似水清溪渡是誰種垂楊樹早絮影花痕無覓
處離恨寫旗亭路心事畫罍邊句謝家簾幙無重
數總一樣傷遲暮看權入紅橋愁萬縷恰隱隱聞歌

住又悄悄牽舟去

木蘭花慢

金臺負笈

半生淪落感思舊夢憶春明
起晚筍餘花兩三吟伴
喚酒題襟蠻牋幾番重疊
任疏鐘催暝鳳城雲曉起
西山簾額一痕澹翠相尋
寒燈挑盡矮簷星斷爛
錦機杼問盧後王前雕肝磨墨
若個才名槐根可憐
夢覺歎替通書禮負遺經
回首輒紅塵陌那堪細數
階莫憶嘉慶癸亥甲子問予
隨宦京師應京兆試從
吳門陳積亭先生受舉子業
暇輒倚夫子藎得
間作詞之音竭來
幾及三十年矣

青玉案

龍泉探勝

松風激激清如此
羨駐馬疏雲際
只覺數峯飛冷翠
何年來借石邊危
坐嘯落銀灣裏
當呼玉礪尋幽
憩路指烟蘿入孤寺
我欲裹茶邀客試
千巖萬壑共
攜琴去水調玲瓏記

長亭怨

潞水歸舟

記夢斷瓊洲烟樹回首
家山頓愁羈旅水驛燈昏夜
寒獨上小舟去冷雲迷浦
尙不似江干烟雨作計清

遊儘料理閒時綳素 歸去只頻年幽緒到日便尋
鷗語蘆邊覓句愛釣罷滿衣涼絮待霜晴西塞魚肥
還寄語東華伴侶說今夜歸人心折數聲柔櫓

模魚子

構李掄才

颺茶烟翠簾齊揭屋山斗柄高插異材豈盡收東箭
老爾青袍白袷才不乏看風雅詞源尙守長蘆法迴
聞匝匝把玉尺先量一枝竹影月在秀州塔 當盃
感底用辭探七發秋聲昨夜如獵忍教拋瓦閒童子
黃葉滿階輕踏風瑟瑟且難燭書巢坐我橫經榻漫

翻湘篋向學繡邨邊也來挑錦沉水撥金鴨

渡江雲

河壩話雨

黑雲堆屋角欣聯短榻風雨話天涯相看清似鶴深
樹無蟬寒綠抱檐牙暝烟界白任迢迢隄卧河斜愁
自遠溟濛官渡潮沒鴈邊沙 牖遮燈前笑語低几
分牋且盃傾下若誰更識半生吏隱還勝浮家迴颺
緊送江亭感欠暮香吹到蘋花晴未穩望中古木迷
鴉

鎖牖寒

楊邨訪菊

籬短圍螢邨虛隱蜨嫩晴初穩沙明雨過好趁履輕
莎潤想依然陶家草堂落暉一片添黃暈悵昔年雛
社游塵吹斷幾分秋賸三徑烟低暝問寂寞襟期
與誰同證新寒鬪酒剗地風疏香雋笑門前遙山自
橫葦娘畫眉偏澹勝待明朝老圃重過折朶連枝贈
好事近

孤蓬雪影

北固斷鐘催驚起數羣沙鳥隔岸樵家門閉尙炊烟
孤裊暮潮悄悄上春江獨鼓晉時棹人在寒蓬炙

硯看一燈紅小

淒涼犯

瀛舫聞君

瀾

予二十年前京師舊雨也時官

交河主簿衙齋濱大河繞屋多巨柳濃陰蔽
天秀色媚景君於斯偃息歎歌翛然意遠豈
甘爲五斗米折腰哉亦欲指柳自號如鑿糟
陂裏陶靖節耳丁亥長夏予過君齋頭書此
詞以贈

門前楊柳藏烏地碧烟如許淒戀亂帆疑葉斜陽似
綺關河在眼離蹤何限憶前度東華塵軟奈而今舊

愁新恨和淚與君嚙 商畧閒功課隨地幽居平生
詩卷關情最是撲飛棉慶奴羅扇逆旅乾坤笑難得
宦貧人健且勾留西牖燭影共夜剪

憶江南

塵鞅十年荏苒遲暮懷人感舊情見乎詞得
三十八解

吾鄉好春思一番佳嫩綠初勻挑菜渚疏紅已漏賣
花街心事上鸞釵

吾鄉好旭日惠山塘上塚船頭蠻榼小燒香山足筍
輦忙迎面麥風涼

吾鄉好一勾二泉甘學士清芬茶夢閣舍人風味竹
鑪庵憑吊九峯南

吾鄉好老屋夜如秋重縛籬笆添曲折喜同蟋蟀隱
深幽風在竹梢頭

吾鄉好讀書惠連居煙竹密藏深寺奕寒蘆疏見隔

溪漁添寫小精廬

予弟子山善畫得句云煙竹密藏深寺奕寒蘆疏見隔溪漁頗饒畫

趣即鳴寫其意爲小幀

陽羨好罨畫有樓臺山欲媚人香草出水因通苑好
花來游侶鬪茶回

琴河好冒雨看虞山峯學晚妝鬢黯黯竹含深黛佩

珊瑚書帖絳雲殘

向客吳門曾見牧翁藏書孫古雲獲有數種

吳淞好訪友昔年曾人挈酒瓶歸笠澤村多漁具近
松陵暝色矮篷燈

吳淞好一棹晚霞時寂寞鱸鄉亭子畔未收魚蟹鱖

蛛絲獨和冷楓詩

吳淞好寒吹獵菰蒲記否垂虹風雪裏要摹白石夜
歸圖卹熟酒堪沽

姑蘇好一角畫樓斜閒殺玉簫人不見上鉤簾子隱

藤花惆悵莫愁家

姑蘇好舊夢畧無痕度曲鶯窺人絕代停橈鷗伴客

銷魂溪漲水煙昏

橫塘好載酒記重過何事畫船來便去樹陰一半在
清波泊處晚香多

橫塘好山色愛楞伽繞宅綠楊深似雨重簾淺夢是
誰家牆角馬櫻花

靈巖好千佛古經幢崖下長松盤作蓋鶴巢怡喜並
樓牖暮色落寒江

鷺湖好碧浪研吳綾酒賣載花船上客柳遮學繡塢
邊僧漁唱遞相應

鷺湖好水榭柳陰多菱上市心擔畫榼魚穿橋脚擲

明梭分斷界官河

吳興好風物最關予僧擔自挑天目筍酒家爭買晚
簪魚悔不十年居

吳興好甥館幾斜曛搦管書遲嫌釧重試衣香暎惜

爐熏往事泣迴文

予賦悼亡
十二年矣

吳興好商畧到詩無折得寒梅迎小雪冬閨寒色上

燈初香澹鬢雲疏

吳興好蠶市雨難晴小舫過湖何處宿一鼓暝樹亂

鴉爭雲是卞峯生

吳興好淡淡日初斜搖艇墜釵橋畔去藕花烟裏是

兒家生不識天涯

墜釵橋見湖州府志

吳興好市盡得煙村一自卜居松雪里齋名畫扇夢

留痕寂寞古藤根

吾友嚴子惠楊衷惻自傷詞人也

予嘗過君畫扇齋憫若論詞清譯累日至不忍去未及數年悲楊竟離鬱以沒能無少游已矣之歎耶

吳興好剪燭夜聞歌世上烟雲浮甲第山中星漢挂

藤蘿只是奈愁何

予昔偕蕙楊夜話柯家山麓忽有攜笠長吟而至者有句云世上烟

雲浮甲第山中星漢掛藤蘿視之乃倪米樓也其一時狂致可想

婁東好纜繫泖湖蓬曲几新題蒲褐集

蘭泉先生集名

恰對玉樊松丸藥課癯僮

春木園館有明夏忠節公玉樊先生手植雙松

西湖好不爲訪顛師我已置身叢翠裏竹禽音似誦

蘇詩隨意歇筇枝

西湖好僊侶廬西冷滿研寒雲題墓碣一山疏雨話

樵亭今日各飄零

調頻伽堊閨秀薛月璘事

西湖好行盡六橋長佇聽蛩吟無斷續我原疑是半

閒堂草露有微光

西湖好樓似翰經無列屋琴書延返照可牕林岫傲

橫圖詩興寄蓬壺

阮芸臺制軍修西湖望湖樓落成易名吳越翰經樓

西湖好佳約探梅林擢過湖莊逢雪密鶴歸山館見

烟深寒逼石牀琴

葛嶺西偏蒙泉山館笑錢生先生別墅也時梅花盛開借菡萏往遊

揚州好催放郭門船海嶽巷中收米帖杪擺檐底謁

焦僊僧得小乘禪

揚州好二十四橋頭花撲酒帘風颺恨月隨歌舫水
添愁雙檣謝公樓

揚州好夜泊佛狸祠古樹欲風鴉宿後空江無月艣
鳴時愁緒暗潮知

揚州好板渚荻芽生來慣閒鷗凡幾隻老漁記得最
分明春水不干卿

已巳秋予往來邗上偕李鹿耕陶
香泉諸君載酒徵歌殆無虛日

金陵好何處認南朝畫角穿雲城壓浪浮圖出樹鶻
摩霄尊酒話無聊

金陵好無賴到詩懷樓上玉笙樓下槩最銷魂景是

秦淮簾影碧于階

長干好花好未全開打槳人知桃葉嫁不搖春恨渡
江來分付暮潮回

隨園好邀我入林居花鳥四時俱好客樓臺三面半

藏書話月夜牖虛

戊辰丁卯間于秋試白門薊邨每折簡相邀極譚譚之樂於時袁君

湘君有食山月話圖之作也